

**BOSNA I HERCEGOVINA
FEDERACIJA BOSNE I HERCEGOVINE
Tuzlanski kanton
GRAD TUZLA
GRADSKO VIJEĆE**

S T E N O G R A M

**S 5. VANREDNE SJEDNICE GRADSKOG VIJEĆA TUZLA ODRŽANE 26.
MARTA 2020. GODINE U SALI „NARODNOG POZORIŠTA“ TUZLA U 11,00 SATI**

- SJEDNICI PRISUSTVUJE 26 VIJEĆNIKA

U Tuzli, mart 2020. godine

NATAŠA PERIĆ – predsjedavajući Gradskog vijeća Tuzla

Konstatujem da prema evidenciji Stručne službe Gradskog vijeća sjednici prisustvuje ukupno 25 vijećnika od ukupnog broja vijećnika što je dovoljno za punovažan rad i odlučivanje.

Za današnju sjednicu svoj izostanak su najavili slijedeći vijećnici: Jasminka Mijatović koja je u izolaciji i danas joj ističe ova izolacija tako da nije mogla prisustvovati, Edim Kadić, Kenan Osmančević i Nevres Hurić i predlažem da im opravdamo odsustvo.

Članom 60. stav 7. Poslovnika Gradskog vijeća Tuzla („Službeni glasnik Grada Tuzle“ 7/17., 2/18. i 8/19.) propisano je da će predsjedavajući Gradskog vijeća obavijestiti Gradsko vijeće o razlozima hitnosti zakazivanja vanredne sjednice.

Podsjećam vijećnike da je Odlukom Vlade Federacije Bosne i Hercegovine o proglašenju nesreće uzrokovane pojavom koronavirusa (COVID 19) na području Federacije Bosne i Hercegovine V. broj 408/2020 od 16.03. 2020. proglašeno stanje nesreće na teritoriji Federacije Bosne i Hercegovine, a Vijeće Ministara Bosne i Hercegovine je na prijedlog Ministarstva sigurnosti donijelo dana 17. 03.2020. godine Odluku o proglašenju stanja prirodne i druge nesreće na području Bosne i Hercegovine.

Nakon toga je Federalni štab Civilne zaštite donio više naredbi i preporuka, koji se tiču ograničavanja kretanja i sprečavanja bilo kakvih socijalnih kontakata, kojima će se ugroziti život i zdravlje građana na teritoriji Federacije Bosne i Hercegovine, a sve sa ciljem zaštite stanovništva od zaraze uzrokovane pojavom koronavirusa, te naredbe kojim se nalaže rastojanje najmanje jedan i po metar.

Nakon što je donesena Naredba o zabrani kretanja građana na području Federacije Bosne i Hercegovine od 18,00 do 5,00 sati, broj 12-40-6-146-36-20 od 21.03.2020. godine, najavljena je i mogućnost potpune zabrane kretanja za građane Federacije Bosne i Hercegovine, što bi vijećnike onemogućilo da se sastanu i donesu bilo kakve odluke.

S tim u vezi, nekoliko klubova vijećnika i nezavisni vijećnik podnijeli su 25.03.2020. godine zahtjev za održavanje vanredne sjednice Gradskog vijeća Tuzla da se zakaže i održi vanredna sjednica Gradskog vijeća Tuzla na kojoj će se usvojiti Izmjene Poslovnika Gradskog vijeća Tuzla, kojom će se omogućiti održavanje sjednica van sale za sjednice Gradskog vijeća Tuzla, na način da se poziv i materijali za sjednicu Gradskog vijeća Tuzla šalju elektronskim putem (putem e-maila), a da se odlučivanje vijećnika također omogućiti putem e-maila, o čemu će Stručna služba Gradskog vijeća Tuzla sačiniti zapisnik.

Takođe je od Stručne službe Gradskog vijeća zatraženo da sačini tekst Izmjene Poslovnika Gradskog vijeća Tuzla, na gore opisani način. Zatraženo je i da se poziv za vanrednu sjednicu sa tekstom Izmjena Poslovnika Gradskog vijeća Tuzla, dostavi vijećnicima elektronskim putem, a da se sjednica održi van zgra, van zgrade „Grafičara“ zbog nedovoljno prostrane sale uz pridržavanje preventivnih mjera zdravstvene zaštite od koronavirusa, bez prisustva gostiju i uz pri i uz, a u prostoru koji je dovoljno velik da razmak između prisutnih vijećnika bude nekoliko metara.

Imajući u vidu sve navedene razloge te potrebu usklađivanja Poslovnika Gradskog vijeća Tuzla sa novonastalom situacijom, odnosno sa proglašenim stanjem nesreće uzrokovane pojavom koronavirusa (COVID 19) na području Federacije Bosne i Hercegovine, naročito kada je u pitanju zakazivanje, održavanje i odlučivanje na sjednicama Gradskog vijeća za vrijeme trajanja stanja nesreće proglašene Odlukom Vlade Federacije Bosne i Hercegovine o proglašenju nesreće uzrokovane pojavom koronavirusa na području Federacije Bosne i Hercegovine V.broj 408/2020 od 16.03.2020. godine a prvenstveno kako ne bi došlo do blokade rada Gradskog vijeća, te kako bi sveli na najmanju moguću mjeru zadržavanje u zatvorenom prostoru, predlažem da se danas, bez otvaranja rasprave i bez diskusije izjasnimo

o prijedlogu dnevnog reda današnje vanredne sjednice kao i o samoj Odluci o izmjenama i dopunama Poslovnika Gradskog vijeća Tuzla.

Stavljam na izjašnjavanje ovaj prijedlog te pozivam vijećnike da se (Mirnes Ajanović, vijećnik BOSS-Bosanske stranke, je zatražio riječ te je, nakon što mu predsjedavajući nije dala riječ nastavio govoriti sa mjesta op.a.) Nema. Ne može. Nemate.

Stavljam na izjašnjavanje prijedlog. Pozivam vijećnike da se dizanjem ruke izjasne za, protiv ili suzdržan. Ko je za? Ko je za? Janjo, molim vas, Janjo, molim vas, prebrojte. Ko je?

Vanredna je situacija i vanredne su mjere. Molim vas. Može. Ko je? Koliko je za? Molim? Ko je protiv? Ko je protiv? Ko je suzdržan, molim vas, Janjo?

Konstatujem da je sa 24 glasa za, nije bilo protiv i nije bilo suzdržanih usvojen PRIJEDLOG DA SE GRADSKO VIJEĆE TUZLA, BEZ OTVARANJA RASPRAVE I BEZ DISKUSIJE IZJASNI O PRIJEDLOGU DNEVNOG REDA DANAŠNJE VANREDNE SJEDNICE KAO I O ODLUCI O IZMJENAMA I DOPUNAMA POSLOVNIKA GRADSKOG VIJEĆA.

Za današnju 5. vanrednu sjednicu Gradskog vijeća predlažem slijedeći:

DNEVNI RED

1.RAZMATRANJE I USVAJANJE ODLUKE O IZMJENAMA I DOPUNAMA POSLOVNIKA GRADSKOG VIJEĆA TUZLA

Stavljam na izjašnjavanje predloženi dnevni red. Ko je za? Gospodine Ajanoviću, vanredna je situacija, zahtjeva vanredne mjere. Budite razumni. Svi su ostali vanredni. Svi su ostali razumni.

Ostavite gradonačelnika na miru, nije prisutan. Izvolite. Molim? Ko je za? Ko je protiv? Ima li suzdržanih?

Konstatujem da je predloženi Dnevni red usvojen sa 24 glasa za, nije bilo protiv i nije bilo suzdržan:

DNEVNI RED

1. ODLUKA O IZMJENAMA I DOPUNAMA POSLOVNIKA GRADSKOG VIJEĆA TUZLA

Prelazimo na prvu tačku Dnevnog reda:

ODLUKA O IZMJENAMA I DOPUNAMA POSLOVNIKA GRADSKOG VIJEĆA

Predlagači su više klubova vijećnika i nezavisni vijećnik.

Obrađivač je Stručna služba Gradskog vijeća.

Materijal ste dobili na ulazu u salu.

U ime predlagača predlažem amandman i pozivam sekretara da pročita amandman.

SLAĐANA KRAJINA – sekretar Gradskog vijeća Tuzla

U članu 2. stav 1. Odluke o izmjenama i dopunama Poslovnika Gradskog vijeća Tuzla iza riječi „81.c“ briše se riječ „i“ i stavlja se zarez. Iza riječi „81.d“ dodaju se riječi „81.e“. Iza

dodanog člana „81.d“ dodaje se novi član „81.e“ koji glasi: Odredbe ove Odluke koje se odnose na zakazivanje, održavanje i odlučivanje na sjednicama Gradskog vijeća za vrijeme trajanja stanja nesreće proglašene Odlukom Vlade Federacije Bosne i Hercegovine o proglašenju nesreće uzrokovane pojavom koronavirusa (COVID 19) na području Federacije Bosne i Hercegovine broj 408/2020 od 16. 03. 2020. godine primjenjuju se i na zakazivanje, održavanje i odlučivanje na sjednicama Kolegija Gradskog vijeća Tuzla za vrijeme trajanja stanja nesreće proglašene Odlukom Vlade Federacije Bosne i Hercegovine o proglašenju nesreće uzrokovane pojavom koronavirusa (COVID 19) na području Federacije Bosne i Hercegovine broj 408/2020 od 16. 03. 2020. godine.

NATAŠA PERIĆ

U redu. Zahvaljujem. Došao nam je još jedan vijećnik Nevres. Ne Nevres pardon. Miralem. Miralem Softić, tako da sad imamo ukupno 26 prisutnih vijećnika i molim vas da.

Stavljam na izjašnjavanje ODLUKU O IZMJENAMA I DOPUNAMA POSLOVNIKA GRADSKOG VIJEĆA uz amandman predlagača koji postaje sastavni dio Odluke i a koji je pročitao sekretar Gradskog vijeća i molim vas da se izjasnite. Ko je za? Ko je protiv? Suzdržan?

Konstatujem da je sa 25 glasova za, nije bilo protiv i nije bilo suzdržanih usvojena ODLUKA O IZMJENAMA I DOPUNAMA POSLOVNIKA GRADSKOG VIJEĆA TUZLA i uz amandman predlagači koji je postao sastavni dio ove Odluke o izmjenama i dopunama obzirom, koji glasi.

Pozivam sekretara da pročita.

SLAĐANA KRAJINA

U članu 2. stav 1. Odluke o izmjenama i dopunama Poslovnika Gradskog vijeća Tuzla iza riječi „81.c“ briše se riječ „i“ i dodaje zarez, stavlja zarez. Iza riječi „81.d“ dodaje riječi „81.e“. Iza člana „81.d“ dodaje se novi član „81.e“ koji glasi: Odredbe ovog, ove Odluke koje se odnose na zakazivanje, održavanje i odlučivanje na sjednicama Gradskog vijeća za vrijeme trajanja stanja nesreće proglašene Odlukom Vlade Federacije Bosne i Hercegovine o proglašenju nesreće uzrokovane pojavom koronavirusa (COVID 19) na području Federacije Bosne i Hercegovine broj 408 dvijehiljadvedeset od 16. 03. 2020. godine primjenjuju se i na zakazivanje, održavanje i odlučivanje na sjednicama Kolegija Gradskog vijeća za vrijeme trajanja stanja nesreće proglašene Odlukom Vlade Federacije Bosne i Hercegovine o proglašenju nesreće uzrokovane pojavom koronavirusa (COVID 19) na području Federacije Bosne i Hercegovine broj 408/2020 od 16. 03. 2020. godine.

NATAŠA PERIĆ

U redu. Zahvaljujem.

S obzirom da smo iscrpili dnevni red, zaključujem 5. vanrednu sjednicu Gradskog vijeća. Zahvaljujem vam se svima na razumijevanju i molim vas sad da napustite salu u razmaku od dva metra jedni od drugih.

STENOGRAM SAČINILA

Jasminka Delalić

P R E D S J E D A V A J U Ć I

Nataša Perić, prof.,s.r.

